



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-329-3/25**

Datum: **18.08.2025. godine**

«Agencija za vodno područje rijeke Save» Sarajevo rješavajući po zahtjevu Nogometnog kluba «ČELIK» Zenica za donošenje rješenja o prethodnoj vodnoj saglasnosti za ispuštanje tehnoloških otpadnih voda u prirodni recipijent sa lokaliteta Trening kampa planiranog na desnoj obali rijeke Bosne, lokalitet «Plandilo», Kamberovića polje u Zenici, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Nogometnog kluba «ČELIK» Zenica za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta Trening kampa (fudbalski tereni sa pratećim objektima) koji se planira graditi na desnoj obali rijeke Bosne - lokalitet «Plandilo» Kamberovića polje na dijelu zemljišta označenom kao k.č. broj: 351, 352, 353/1, 358/1 i 359 K.O. Zenica III, grad Zenica s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog Trening kampa dođe do promjena pri kojima će dolaziti do produkcije i ispuštanja tehnoloških otpadnih voda u prirodni recipijent, korisnik kampa dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom poslovnom objektu, korisnik zaštitnih vodnih objekata nije odgovoran za nastale štete.
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane Udruženja Nogometni klub «ČELIK» Zenica podnesen je ovoj Agenciji 29.07.2025. godine zahtjev za izdavanje prethodne vodne saglasnosti za Trening kamp (fudbalski tereni sa pratećim objektima) koji se planira graditi na desnoj obali rijeke Bosne, lokalitet «Plandilo», Kamberovića polje na dijelu zemljišta označenom kao k.č. broj: 353/1, 358/1 i 359 K.O. Zenica III, grad Zenica, a u postupku pribavljanja urbanističke saglasnosti.

U provedenom postupku dostavljena je i pregledana sljedeća dokumentacija:

- Kopija Rješenja broj: 06-04/1-05-108-14/97 o upisu promjena u Registar udruženja Zeničko-dobojskog kantona izdato dana 27.02.2025. godine od strane Ministarstva za pravosuđe i upravu Zeničko-dobojskog kantona,
- Kopija Uvjerenja o poreznoj registraciji izdatog dana 15.08.2014. godine od strane Porezne uprave Federacije BiH-Kantonalni porezni ured Zenica,
- Protokol za objekat – Trening kamp Zenica od 30.06.2025.(Služba za urbanizam Grad Zenica),
- Stručna ocjena komisije broj: 12-1-30-3-2016-5-125/24 od 18.02.2025. godine za izradu stručne ocjene za definisanje urbanističko-tehničkih uslova za planiranu promjenu u prostoru u granici Urbanističkog plana Grada Zenica (2021.-2024. godine) čija izrada je u toku (komisija formirana Rješenjem direktora Kantonalnog zavoda za urbanizam i prostorno uređenje Zeničko-dobojskog kantona)- pozitivna stručna ocjena za izgradnju trening centra,

- Idejni projekat urađen od strane «AKSA» d.o.o. Zenica (broj: 20-2024-IP, novembar 2024. godine) sa geodetskom podlogom (CD),
- Kopija Zahtjeva za dopunu predmeta u postupku izdavanja urbanističke saglasnosti broj: 03-19-4370/24 upućen dana 01.07.2025. godine NK «ČELIK» Zenica,
- Kopija katastarskog plana UR broj: 04-26-10-17613/2024-2 od 13.11.2024. godine,
- Kopije Zemljišnoknjižnog izvotka broj: 043-0-NAR-25-014 928 ZK uložak broj: 1286; broj: 043-0-NAR-25-014 930 ZK uložak broj: 1303; broj: 043-0-NAR-25-014 931 ZK uložak broj: 116; broj: 043-0-NAR-25-014 929, ZK uložak broj: 830 izdatih dana 07.08.2025. godine od strane Zemljišnoknjižnog ureda Općinskog suda u Zenici,
- Identifikacija parcela broj: 04-26-10-10699/25 izdata dana 07.08.2025. godine od strane Službe za imovinsko-pravne, geodetske poslove i katastar nekretnina Grad Zenica,
- Kopije izvoda iz posjedovnog lista broj: 247 i 370 izdato dana 07.08.2025. godine od strane Službe za imovinsko-pravne, geodetske poslove i katastar nekretnina Grad Zenica,
- Dokaz o uplaćenju upravnoj taksi na zahtjev.

Uvidom u dostavljenu dokumentaciju utvrđenu je sljedeće:

Predmetni Trening kamp sa fudbalskim terenima i pratećim objektima planiran je na Kamberovića polju na lokalitetu «Plandilo» u Zenici na desnoj obali rijeke Bosne i smješten je između željezničke pruge i magistralne saobraćajnice M 17.

Pri izradi Idejnog projekta Trening kampa («AKSA» d.o.o. Zenica, novembar 2024. godine) korišteni su podaci iz Glavnog projekta uređenja desne obale rijeke Bosne na Kamberovića polju urađenog od strane «Zavoda za vodoprivredu» d.d. Sarajevo, septembar 2016. godine tako da je planirana apsolutna kota platoa kampa (313,20 m n.m.) usaglašena sa kotom krune budućeg nasipa na desnoj obali rijeke Bosne.

Uvidom u ISV Agencije i georeferencirani prikaz lokaliteta dostavljen uz zahtjev, utvrđeno je da se parcele označene kao k.č. broj: 351, 352, 353/1, 359 i 358/1 K.O. Zenica III, grad Zenica na kojima se planiraju graditi sadržaji predmetnog trening kampa (tri terena sa prirodnom ili vještačkom travom različitih dimenzija, kontejner/svlačionica, centralni objekat spratnosti P+2, parking prostor, rezervoar za navodnjavanje terena i ostava za mašine) ne nalaze u vodnom dobru niti unutar pojasa koji je na udaljenosti 10 metara od linije dopiranja velikih voda rijeke Bosne ranga pojave 1/100.

Objekat trafostanice je planiran na dijelu parcele označene kao k.č. broj: 357/1 K.O. Zenica III koja se ne nalazi u vodnom dobru ali se jednim dijelom nalazi unutar pojasa koji je na udaljenosti 10 metara od linije dopiranja velikih voda rijeke Bosne ranga pojave 1/100 te za isti važe zabrane iz člana 96. stav (1) tačka 16. Zakona o vodama («Službene novine Federacije BiH», broj 70/06).

S tim u vezi, planirani objekat trafostanice treba biti izmješten.

Prema Idejnom projektu, trening kamp bi bio smješten i na parcelama označenim kao k.č. broj: 354/1, 355/1 i 356/1 K.O. Zenica III grad Zenica. Obzirom da se iste dijelom nalaze u vodnom dobru i dijelom unutar pojasa koji je na udaljenosti 10 metara od linije dopiranja velikih voda rijeke Bosne ranga pojave 1/100 na tim dijelovima važi zabrana gradnje tj za njih važe zabrane iz člana 12. stav (1) i člana 96. stav (1) tačka 16. Zakona o vodama.

Obzirom na namjenu budućeg Trening kampa, na predmetnoj lokaciji se neće odvijati aktivnosti koje kao rezultat mogu imati ispuštanje tehnoloških otpadnih voda kako je to definisano članom 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24), odnosno nema ispuštanja otpadnih voda u smislu odredbi člana 139. stav (1) Zakona o vodama.

Iz razloga naprijed navedenih, a u skladu s članom 139. stav (1) Zakona o vodama i članom 200. stav (1) Zakona o upravnom postupku riješeno je kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- NK «ČELIK» Zenica
Bulevar Kulina bana bb, 72000 Zenica
- ⊖ AVP, ISV – Vodna knjiga
- Sektor 40, arhiva
- Oglasna ploča, AVP Sava